

## آبونه شرائطی

ممالك عثمانیه سنه لکى ( ٦٥ ) ، التى  
آيلغى ( ٥٠ ) عروشد .  
ممالك اجنبیه سنه لکى ( ١٧ ) ، التى  
آيلغى ( ٩ ) فرانقدر .

## اداره خانه

باب على چاده سنده دائره مخصوصه

## اخطارات

آبونه بدلى پشتدر .

§

مسلكه موافق آثار مع المذنبويه قبول  
اولنر . دج ايدله ين يازيلر اعده  
اولونماز .

# التملك

للسر ١٠٠٠ ١٣٣٠

## اخطارات

رساله مزدن آندىغى سوترمك شرطيله  
تون يازيلرى هر هانكى برغزته طرفندن  
اقتباس اولونه بيلير .

§

مكتوبلرك ، امضالرك واضح و اوقواقى  
اولسى و آبونه صره نومروسى محتوى  
بولونمى لازمدر .

§

ممالك اجنبیه ايچون آبونه اولانلرك  
آدرس لرينك فرانسزجه ده يازلمسى رجا  
اولنور .

§

پاره كوندرلديكى زمان نه يادائر اولديغك  
واضحاً بيلديلمسى رجا اولنور

و یوم قیامتہ صارقلرک هر طولامسی ایچون جناب الله صاریق صارانلرہ نورل احسان بیورہ جقدر .

اولکی حدیث شریفده صراحة دلالت ایدیورکه صاریق علمایہ مخصوص برکسوة علیہ دکل، عموم مسلمانلرہ لازم برکسوة اسلامیہدر . انصاف ایتملی که مسلمانلر ایچندن علما کسوة اسلامیہ ایله مکتبی اولسونلرده سائر مسلمانلر کسوة مشرکینده بولونسونلر . بوخصلت بئلاک نهایت مرتبه سی وقصانجامک یوقاری درجه سیدر . علما بوصفتی قبول ایغزلر .

ایکینجی حدیث شریف انسانلرک دنیاہ خلق اولنلرینه حکمت انہی جنسلیر، اولان سائر حیواناتدن کسب کالات عبادات . وطاعانله تمیز ایدنلر واصل دارنیم ونائل رؤیت رب العالمین ودرکۂ بہائمہ قالانلر حفرۂ نار ججیمہ الفا اولنلری مصلحت صمدانیہ سنہ مبتنی اولوب خیر وشرکده ذرہ قدری ضایع اولمہرق هرکس ایتدیکنی بولہجفہ دائر قرآن کریمده نص قاطع اولمہ هر مسلمان مراتب جنتک قصواسنہ نائل اولق ایچون اسباب عادہنک هر جزئی فوت اتعی لازمدر . حدیث مذکورده ایسه صاریقہ قلینان بر نماز صاریقہ قلینان یکرمی بش وشمس نمازہ معادل اولدیغنی آکلاشلدقن صوکرہ هر نمازنده یکرمی بش وشمس نمازاق ثوابدن محروم قالامسی اختیار ایدر هیچ بر مسلمان تصور ایدمیز . واکماد ناسدن تمیز ایدہلم دیہرک سائر مسلمانلرک بوقدر ثوابدن محرومیتلری آرزو ایدوب صاریق یالکیز علمایہ مخصوص برکسوةدر دیہجک بر عالم بولمیز .

اوچنجی حدیث شریف اخبار عن الغیب بابتدن اولوب عربلر عزت ورفاھلرینہ خادم اولان صاریقی براقوب وسائر فرائض وسننی ترک وشرع شریفہ اعتصامله بشریتہ یولیلہ خدمت ایدہمدکلرندن حا کملر ایکن محکوم وعزیزلر ایکن ذلیل اولدیلر . رحیمہم . عثمانیلر موجب عزت اولان فرائض وسننہ دوام وبالخاصہ صاریق صارمق سنت نبویہ سنہ اعتنا ایدہرک بیوک بیوک قاووقلر تلبس ایله حاکم جهان وعزیز زمان اولشلردی . صکرہلری عادات اسلامیہ وآداب دینیہ یی اونوده اونوده حاکمیت محکومیتہ ، عزت ذلہ انقلاب ایدہ ایدہ کوردیکمز حالہ کلدی . ایشته بوحیث شریفدن آکلاشلدی کہ صاریق صارمق مسلمانلردن هر فردہ لازم اولدیغنی کبی رفاہ وسعادته خادم ایمش .

دردنچی حدیث شریف : عموم مسلمانلرک سائر انسانلردن فرق وتمیزک صاریقہ اولسنی افادہ ایتدکدن صکرہ صاریقہ هر طولامہ سنہ یوم آخرتده بر نور اعطا اولنہجفنی بیان بیوریورکه مسلمانلرده هر فرد صاریق صارصونلر فقط قصہ وکوک صارمسونلر ، زیرا صاریقی اوزون وبیوک اولان مسلمانک یوم قیامتده نوریده چوق وواسع اولور ، معناسنی افادہ ایدیور . بواحادیث نبویہ وکلام مصطفویہدن مستبان اولدی کہ علمانک مؤمنین سائرہدن تمیزلری صاریقہ دکل ایمش وهر مسلمانک صاریق صارمسی ایجاب ایدرمش .

مرسینده

خاکی زاده عبدالرزاق

جواب :

خاکی زاده عبدالرزاق افندی هر مسلمانک صاریق صارمسی ایجاب ایدر دعواسنہ بولونیور ، دعواسنی احادیث ایله اثبات ایتمک ایستیور . اصول حدیثہ واقف اولقسزین بر حدیث شریفدن معنی چیقارمغه قالقشمق شہہ یوقکه عالمانہ اولہماز . هرکیم که علوم شرعیہنک ارکان مهمہ سندن اولان « اصول حدیث » فننہ واقف اولزسه حدیث شریفدن معنی چیقارمغز ، چیقارمق ایسترسہ خطایہ ، ضلالہ دوچار اولور .

زمانزده « اصول حدیث » بیلیمسانلرک حدیث شریفدن معنی چیقارمغه یلتمہلری عادنا مودہ حکمنہ کیردی . بونک ایچون نہ قدر تأسف اولونسہ یری واردر .

ایچنده برأت پارچہ سی وار . ایشته او ات پارچہ سی صاغلام اولدیغنی زمان بوتون جسد صاغلام اولور . بوزوق اولدیغنی زمان بوتون جسد بوزوق اولور . ایشته بیلکیزکه او ات پارچہ سی قلبدر . بوحیث شریفی بخاری ایله مسلم روایت ایتمشدر .

— ۴ —

عن ام المؤمنین ام عبدالله عائشة رضی الله عنها قالت قال رسول الله صلى الله عليه وسلم من أحدث في أمرنا هذا ما ليس منه فهو رد رواه البخاري ومسلم وفي رواية لمسلم من عمل عملا ليس عليه امرنا فهو رد

مال شریفی :

ام المؤمنین ام عبدالله عائشہ (رضی الله عنها) نک شویله دیدیکی روایت اولونیور :

رسول الله صلى الله عليه وسلم بویوردی کہ هرکیم بزم شواشمزہ - یعنی دینمزہ - اوندن اولمان برشیثی (کندیکنندن قاریشدیروب) احداث ایدرسہ یابدیغنی ایش - یاخود اوایشی یابان کیمسہ - مردوددر .

بوحیث شریفی بخاری ایله مسلم روایت ایتمشدر . مسلمک دیگر روایتنه نظر آده : « هرکیم بزم ایشمزک - یعنی شرعمزک - خلافتنه اولان بر عملی ایشلرسہ مردوددر » بویورلمشدر . احمد نعیم

## اصول حدیث

هر مسلمانک صاریق صارمسی واجب می در ؟

فخر کائنات علیه اکل التحیات افندمز حضرتلری مسلمانلردن هر فردہ صاریقک لزومندن بحث وصاریق اسلاملرہ خرسیتانلر آرمہ سنده بر علامت فارقه اولسنی بیان ایدہرک بیورر : « عن رکاة رضی الله تعالی عنه عن النبی صلی الله تعالی علیه وسلم قال فرق ما بیننا وبين المشرکین العمامہ علی القلائس رواه الترمذی یعنی بز معاشر مسلمین ایله مشرکار بینندہ کی فرق قلنسوہلر اوزرینہ صاریق صارمقدر .

دیگر حدیث شریفده : « وروی ابن عساکر عن ابن عمر مرفوعا صلاة تطوع او فريضة بعمامة تعدل خمسا وعشرين صلاة بلا عمامة وجعة بعمامة تعدل سبعين صلاة بلا عمامة » یعنی صاریقہ قلنان بر نماز داریهیز ادا اولنان یکرمی بش نمازہ معادل ومقابل اولور . وصاریقہ ادا اولنان برجمہ صاریقہ قلینان شمس جمعیہ مقابل اولور .

دیگر حدیث شریفده : « روى الذہبی عن ابن عباس العمامہ تيجان العرب فاذا وضعوا العمامہ وضعوا عزمهم » یعنی صاریقلر عرب قومک تاجلریدر . یعنی عربک عزت وسعادتلرینک دوامی صاریق صارمقلہدر . هر نه زمانک صاریق صارمق سنتنہ رعایت ایتملرسہ عزت وراحتلری براقش اولورلر ، وذلته محکوم اولورلر . دیگر حدیث شریفده : « روى البار ودی عن رکاة رضی الله عنہما العمامة علی القلائس وفضل ما بیننا وبين المشرکین یعطی یوم القیامة لکل کورة یدورها علی رأسه نوراً » یعنی قلنسوہ اوزرینہ صاریق صارمق مشرکلرہ بزم بینمزده فرقدر .

بومثللو كسان احاديث شريفه بني كيفلرينه اويدورمق ايستورلر . مقصد رسول اكرمه ، مقصد شرع معظمه واقف اولمقسنزين ، اهل علمك انتقاداته قولاق اصمقسنزين هر زوده برحديث كوريرلر ايسه اندن معاني استنباط ايتك هوسنده بولنيورلر . بونلرك برقسجى مفرط ومتجاوز ، ديكر قسمى مفرط ومتقاصدر .

بوراسنى ايوجه بيلمك كركدركه : فقه نامنه سوزسويله بيلمك ايجون اصول حديث بيله كافى دكلدر . هر حالده ايوجه اصول فقه بيلمك شرط اصلدر .

فى الواقع اصول حديث واصول فقه بيلميانلرك سوزلرى اهل علم عندنده اصلا مسموع اولماز ، فقط اكثر تى تشكيل ايدن عوام ايجون برايز براقه جفتدن بوكيلرينى « حضور علم جليل » ده محكوم ايتك فريضه حكمندهدر . خاكي زاده عبدالرزاق افندى مستخر جدر ، فقط اصول حديثه واقف دكلدر . اكر اصول حديثه واقف اوليدى ذكر ايتديكى حديثلرك شايدان احتجاج اوليه جفتى بيلير ايدى مومى اليهك ذكر ايتديكى احاديث اربعة اصلا شايدان احتجاج دكلدر .

اولا - « فرق ما بيننا وبين المشركين العمام على القلائس - » حديثك سندنده « محمد بن ركاهة عن ابيه » ذكر اولنيور .

امام المحدثين بخارى ، « محمد بن ركاهة » حقهده : « اسنادى مجهولدر . » ديور .

ناقد محقق ذهبي : « بوسند صحيح دكلدر » ديدكدن صوكره حديث مذكورى بيان ايديور .

ناقد شهر سخاوى ، حديث مذكور : « واهيدر . » ديور . فصل اولورده بويله ضعيف اولان حديث ايله احكام چيقارلمه يه قالقيشيلير ؟

ثانياً - « صلاة تطوع او فريضة بعمامة تعدل خمساً وعشرين صلاة بلا عمامة وجمعة بعمامة تعدل سبعين صلاة بلا عمامة » حديثى ناقد شهر سخاوى نك تحقيقى وجهله ثابت دكلدر .

ناقد شهر ابن دبيع الشيبانى حديث مذكور « موضوعدر » ديور . موضوعات كتابلرينك مستبرلرندن اولان « اسنى المطالب » : بو حديث ثابت دكلدر ، ديور .

مشاهير محدثين قارى موضوعاتنده منوفيدن نقلا « بو حديث باطلدر . » ديور .

بويله ثابت اولميان ، موضوع اولان ، باطل اولان حديث ايله احكام چيقارمغه يلتتمك عاداتا علم شريعت ايله ، اصول حديث ايله استهزا ايتك اوليورمى ؟

ثالثاً - « العمام تيجان العرب فاذا وضعوا العمام وضعوا عندهم » حديثك بتون طريقلرى ناقد شهر سخاوينك ، ابن دبيع الشيبانى نك واسنى المطالب صاحبك تحقيقلرى وجهله ضعيفدر ، محدثين مشار اليهك بيانلرينه كوره حديث مذكورى بيهي زهرى نك كلامندن اولمق اوزره تخرىج ايتشددر .

زهرى نك كلامنى حديث كوسترمك بيوك غفلت دكلى ؟ رابعاً - « العمامة على القلائسوة فضل ما بيننا وبين المشركين يعطى يوم القيمة لكل كورة يدورها على رأسه نوراً » حديثى ناقد شهر سخاوى « العمامة حاجز بين المسلمين والمشركين » لفظى ايله ذكر ايتدكدن ، وبويولده برطاقم احاديث بيان ايلدكدن صوكره حديثلرك هيسنه « برى برندن دها واهيدر » ديور .

ناقد محقق ذهبي صاريك طولامهسى حقهده ذكر اولنان « صلاة على كورالعمامة يعدل ثوابها عندالله غزوة فى سبيل الله » حديثى حقهده « بونك سندنده ابراهيم بن عبدالله بن همام واردر ، دارقطنى ابراهيم بن عبدالله بن همام حقهده كذاب ديمشدر » ديور .

عمامة حقهده بونلردن بشقهده احاديث مردوده واردر .

مثلا : ان الله لا ينظر الى العمامة الصماء - عليكم بالعمائم فانها سيما الملائكة وارخالها خلف ظهوركم - ان الله وملائكته يصلون على اصحاب العمائم يوم الجمعة - العمام وقار المؤمن وعز العرب الخ - تعمموا واعتموا تزدادوا حلما - ركعتان بعمامة افضل من سبعين بغيرها كى احاديث ناقدين حديثك تحقيقى وجهله اهل علمجه اصلا شايدان احتجاج اوله ماز : برنجيسى اسنى المطالبده بيان اولنديغنه كوره ثابت دكلدر .

ايكنجى حديثك سندنده احوص ايله محمد بن الفرّج واردر . ابن المدينى احوص حقهده « ليس بشئ » ديور . ذهبي محمد بن الفرّج ترجمه سنده بو حديثه « خبر منكردر » ديور .

اوچنجى حديثك سندنده ايوب بن مدرّك واردر ، ابن معين انك حقهده « ليس بشئ » ديديكى كى بركرده « كذاب » ديمشدر . نسائى ايله ابو خاتم انك حقهده « متروك » ديورلر . ابن حبان « ايوب بن مدرّك مكحولدن برنسخه موضوعه روايت ايتشددر » ديور .

دردنجى و بشنجى حديثلر سخاوينك تحقيقى وجهله ضعيف ، التنبجى حديث ناقد مشار اليهك تحقيقى وجهله واهيدر .

اوت صاريق بك كوزل بر كسودهدر . فقط مسلمانلق كسوه ايله دكلدر . صاريق صارمق سنت سنيهدر . فقط بوسنت اصول فقهده بيان اولنديغى اوزره عاداته تعلق ايتديكندن ناشى سنن زواندنددر . يوقسه سنن هدادن دكلدر ، سنن زواندى ترك شرعاً لوم وعتابى موجب دكلدر . هر سنت سنت هدى دكلدر . سنت هداى ترك لوم وعتابى موجب اولور .

خاكي زاده عبدالرزاق افندى يه اصول حديث ، اصول فقه اوكر ندكدن صوكره احاديث شريفه دن معانى واحكام استنباط ايتكه هوس ايلسنى ، شمديكى حالده كتب فقهيه يه مراجعت ايدوب فقهاى دينك سوزلرينى اكلامنه چالشمسنى خالصانه توصيه ايدر .

ازميرل

اسماعيل حقى